



COMUNU DE TEULADA

Provìntzia Sud Sàrdigna

Avisu

Casellas a indonu de posta eletrònica tzertificada e domitzìliu digitali

SU SÌNDIGU

Fait sciri ca S'Amministratzioni Comunali at stipulau una conventzioni cun s'Assòtziu natzionale de is ufitzu tributus entis localis (ANUTEL) e Aruba Pec SPA chi tenit su scopu de furniri a indonu is indiritzus de posta eletrònica certificada (PEC) riservada a totus is citadinus de Teulada.

Cun custa iniziativa su Comunu de Teulada si ponit sa punna de furniri a totus is citadinus sa possibilidadi de interagiri cun is ufitzius pùbblicus in manera simpli e lestra, a impatu zeru, chene de sa netzessidadi de andai fisicamente a is sportellus comunali.

Su citadinu chi at a usufruiri de custu servìtziu at a podi otenni una casella PEC totu a indonu e cun de custa podit comunicai cun s'Enti (ma puru cun àterus destinatàrius) abarrendi in domu, a calisiat ora, mandendi o arricendi comunicatzioni istituzionalis po mèdiu de s'indiritzu de posta eletrònica certificada.

S'adesioni a s'iniziativa prevedit s'eletzioni de su domicìliu digitali, sigundu su Testu Ùnicu de s'Amministratzioni Digitali in vigèntzia, e duncas si su citadinu intestatàriu de sa PEC est titulari puru de is utèntzias comunali (esèmpiu su servìtziu idricu) at a podi arrici is bulletas e is àteras comunicatzionis relativas a is utèntzias via PEC e non prus in formau de paperi po mèdiu de su servìtziu postali.

Su servìtziu de posta certificada, assigurat puru:

- 1) Sa provenièntzia de su mitenti e de su destinatàriu de su messàgiu de posta (is comunicatzionis PEC tenint valori de racumandada postali cun ricevuta de torrada)
- 2) De arrisparmiari tempus (non at a serbiri prus a andai a Comunu, e non si depit abetai su turnu);
- 3) siguresa de cantu est cuntènniu e de s'arricimentu de is mail (su messàgiu PEC non podit essi modificau in niscina manera e po calisiat mandada si arricit unu certificau automàticu de intrega);

4) si sodigant is obietivus de rispàrmiu energèticu, de su paperi e econòmicu po su citadinu e po su Comunu (no at a serbiri prus aprontai documentus de paperi e su citadinu no at a depi pagai prus po otenni sa PEC sua, si risparmiant in prus is costus de notifica e speditzioni);

5) pratizidadi in is comunicatzionis intru de Amministratzioni e citadinus (totus ant a podi arrici o mandai documentus o arrici documentatzioni po mèdiu de su canali PEC, de is rechestas de atzessu a is atus a s'arriementu de is avisus de pagamentu).

Po arrichedi sa PEC a indonu, si depit cumpilai sa modulistica alliongiada a custu avisu o chi est posta a disponimentu in is ufizius de s'enti, de presentai a is ufizius comunalis po mèdiu de:

- Imbiu de sa protocollo@comune.teulada.ca.it ;
- Presentatzioni in paperi de sa domanda, a is ufizius comunalis in su Palatzu Comunali, Via Cagliari n. 59, 09019, TEULADA (SU).

Ddoi at puru sa possibilidadi de eligi domicìliu digitali po is comunicatzionis cun s'Enti puru po is chi giai tenint una PEC, cumpilendi su mòdulu apòsitu alliongiau a custa avisu, de trasmiti cun is pròpiu canalis giai erremonaus.

SU SÌNDIGU
Dot. Serra Daniele